

puy, & le support de nos autres residences, & de nos missions: Dieu a reduit tout cela au neant le linge, & les habits & les autres meubles necessaires pour vingt-sept personnes, que nous auons aux Hurons, estoient tout prests d'estre portés par eau dans ces pays si esloignés, & nostre Seigneur les a fait passer par le feu. Ce qui est necessaire pour entretenir selon nostre petit pouuoir la residence de S. Ioseph où se rassemblent les Sauvages. La residence des trois Riuieres où pareillement les Algõquins s'arrestent, la maison de N. D. des Anges & la propre maison de Kebec, tout s'est conformé dans les flammes: le vent assez violent la feichereffe extreme, les bois onctueux de sapin, dont ces edifices estoient construits allumerent vn feu si prompt & si violent, qu'on ne pût quasi riẽ sauuer, toute la vaisselle & les cloches [192] & calices se fondirent, les étoffes que quelques personnes de vertu nous auoient enuoiées pour habiller quelques seminaristes ou quelques pauvres Sauvages, furent conformées dans ce mesme sacrifice. Ces habits vraiment Royaux que sa Majesté auoit enuoié à nos Sauvages, desquels ils se seruoient aux actions publiques, pour honorer la liberalité d'vn si grand Roy, furent abymsés dans ce naufrage de feu, qui nous reduisit à l'hospital: car il fallut aller prendre logis à la sale des pauvres, iufques à ce que Monsieur nostre Gouverneur, nous prestat vne maison dãs laquelle estans logés il fallut chãger cette sale des malades en vne Eglise. Voila vne perte dont nous ressentirons long-temps.

Quelque temps après ce grãd brasierd Monsieur le Cheualier de Montmagny nostre Gouverneur, assemblant les principaux Sauvages des trois Riuieres, &